

19

卷

四

重刊興化府誌

重刊興化府志卷之四十一

禮紀

人物

名臣六

僊遊縣

王邁字實之自號臞軒居士父鑑擢紹熙元年第終古田主簿邁幼穎悟強記儼有奇節年十一二下筆已驚人既冠以文謁鄉先正傅誠嗟異謂他日必以文名世嘉定十年進士第四人授潭州察推再調浙西帥幹考廷試詳定官王元春欲私所親真高第邁顯擢其謬元春怒啖李知孝誣邁在殿廬語聲高免官調南外睦宗院教授真德秀再守泉州

宋史本傳作守福州考其時世當是

再守邁竭忠以裨郡政召赴都堂審察丞相鄭清之曰學官掌
泉州邁竭忠以裨郡政召赴都堂審察丞相鄭清之曰學官掌
故不足挽吾實之屬德秀知貢舉邁為初考德秀以邁讀快見
快見予擢升降多咨焉俄召試學士院策以楮幣援據古今攷
究本末謂國貧楮多幣始於兵乾淳初行楮幣止二千萬時南
北方休息也開禧兵興增至一億四千萬矣紹定有事山東增
至二億九千萬矣議者徒患楮窮而弗懲兵禍姑以今之尺籍
校之嘉定增至二十八萬八千有奇用寡謀之人試直突之說
能發而不能收能取而不能守今無他策核軍實室邊釁救楮
幣第一義也又言脩內司營繕廣內帑宣索多厚施緇黃濫予
嬪御若此未嘗裁撙徒聞有括田權鹽之議者向使二事可行
故相行之久矣更化伊始奈何取前日所不屑行者而行之又

因楮以及時事言君子之類雖進而其道未行小人之迹雖屏
而其心未服德秀病危在告謂陳瑨劉克莊曰實之策好進德
未已數月喬行簡再相或傳史嵩之復用邁上封事曰天下之
相不與天下共謀之是必冥冥之中有為之地者且舊相奸愴
刻薄天下所知復用則君子空於一網矣又言吳知古陳洵益
撓政輪對言人主不可欺天人臣不可欺君陛下亦嘗自省惡
旨酒果如禹乎不邇聲色果如湯乎戚里果皆陰興乎北司果
皆呂強乎抑猶未也非欺天歟又言陛下厚權臣之恩而忽然
於同氣之念此欺天之大者邁由疏遠見帝空臆無隱帝為改
容言者劾邁論邊事過實改通判漳州會禋祀雷雨求言邁應
詔略曰天與甯考之怒久矣麤蕞致疾妖冶伐性初秋踰旬曠

不視事道路憂疑此天與甯考之所以怒也隱刺覆絕攸燔尊
龍綱淪法斁上行下效京率外兵狂悖迭起此天與甯考之所
以怒也陛下不是之思方用漢災異免三公故事環顧在廷莫
知所付遙想崔與之臣恐與之不至政柄他有所屬此世道否
泰君子小人進退之機也於是臺官李大同劾邁交結真德秀
魏了翁洪咨夔以收虛譽削一秩免蔣峴劾邁前疏妄論倫紀
請坐以非所宜言之罪削二秩久之復通判贛州福州建康府
信州皆不行瀋祐改元通判吉州右正言江萬里袖疏榻前曰
邁之才可惜不即召將有不及用之嘆帝以為然有危之者遂
止知邵武軍在郡詔以亢旱求言邁驛奏七事而以撤龍翔宮
立濟王後為先時清之再相以左曹郎官召力辭以直秘閣提

人
歐陽東刑獄亦辭改侍右郎官諫官焦炳炎論罷予祠卒贈司
農少卿邁以學問詞章發身尤練世務易祓戒潭人曰此君不
可犯奪勢家冒占田數百畝以還民李宗勉嘗論邁然邁評近
世宰輔至宗勉必曰賢相徐清叟與邁有違言邁晚應詔謂清
叟有人望可用世服其公云

出宋史本
傳等書

論曰王邁立朝論事蹇蹇諤諤無所回撓所謂古之遺真也
至其為李宗勉所論而必稱其賢與徐清叟有違言而終薦
其可用斯又有文彥博公平忠厚之風余何扼於羣小擯不
見用宋業之所以終於不振者豈可盡諉於天哉

葉棠字次魏颺之孫也以祖澤授承務郎累遷知邵武軍陞辭
奏事首乞法孝宗上問法孝宗何先棠奏孝宗二十八年之治

不出仁孝勤儉四字棠人物魁偉奏對詳緩上和顏納之遷太府丞丐外知台州紹定元年夏大水城幾圯棠冒疾風大雨極力防衛期與城相存亡而城卒賴以全選委屬僚之愛民者檢禾蠲效既及分又增放一分捐公錢遣官糴米浙西以充濟糴民愛之如父母尋擢浙東提舉明年九月台城陷於水朝廷以棠得台民之心亟發常平錢米遣棠措置振卹至即請於朝乞撥紹興府官會五萬貫米二萬石給濟仍乞放免本州茶鹽酒醋雜稅一年續有旨令棠兼權州事仍撥降安邊所官會二十萬貫儲倉米七萬石以助不給至於五縣冬苗夏稅盡數蠲於上供諸色綱解並與住催乃分遣僚屬選委寓公隨鄉煮粥以活饑餓優用資遺以撫流移既告糴隣郡以濟急缺復招誘客

賊以備接續拯救疔癰埋瘞遺屍病患者施藥治療露居者資
助蓋造於是重築城堤堅牢高厚越歲再水莫能衝突台民德
之廼相率立二生祠繪像以祀其壽朝廷嘉之增二秩直寶謨
閣兼權紹興府浙東安撫提刑未幾除本路提刑以金部郎官
召會山陰謀帥廟堂將有啓擬上曰葉棠在浙東甚鎮靜無以
易之進直徽猷閣知紹興府充浙東安撫使要地有不相樂者
乃上祠請改知太平州未幾提舉成都府玉局觀丞相社範舊
有相知之雅以將作監召命下而歿自號萬竹子彥晒歷司農

寺丞知邵武軍

出僊
松志

葉大有字謙夫顯之從曾孫也以春秋應紹定三年鄉試五年
省試皆中第一授英德府教授大新郡學秩滿除國子錄輪對

上旨以國計諸務為問大有歷歷指陳王音褒獎累遷秘書郎
出通判徽州召赴闕未久丁外艱服闋歷著作佐郎除正言兼
侍讀力辭上批擢卿言職出自朕意益殫忠藎自結主知猶懇
辭上面諭自卿初對朕已識卿乃拜命首疏論儲嗣紀綱人材
為國家命脉反覆數百言又乞救民饑寬民力遷左司諫奏抑
內降保直臣罷外戚授官因奏事乞歸上曰留卿主臺綱即當
異擢遷殿中侍御史奏今日根本之慮一曰惜名器二曰惜財
力三曰惜民命四曰惜天時不可以有警則畏無警則玩尋監
省試兼知貢舉遷侍御史因侍經筵御筆大書教忠等字賜之
周易徹講錫衣帶鞍馬及賜詩皆異寵也大有獻備邊三策薦
浙東憲臣蔡杭可大任遷右諫議大夫辭除刑部尚書累辭御

予云卿性質醇雅議論和平擢之大常伯職之大司寇所以
寵也朕之待卿有加無替大有力以母病辭除寶章閣學
加温州上又批諭云朕之用卿以其中和又云朕之念舊難釋
卿懷大有不獲已奉母之官未幾丁母憂感疾終於家年四十
一遺表聞上為不憚者累日大有出入館閣言路凡十餘年前
以敷陳百二十餘奏皆士論所歸但其排擊程公許黃師雍年
才諸人議者不以為然

出優裕
志等書

論曰葉棠之典方州也兩救合之水患凡其卹生廕死所當
為者為之必竭其力而州亦賴以復常則其於官守可謂得
其職矣葉大有之事理宗也薦歷臺諫之職凡其薦賢圖治
所當言者言之必盡其心而理宗亦褒寵有加則其於言責

可謂得其言矣蓋二君子皆丞相顯之諸孫也而其所以能
若是者其所由來也遠矣詩曰君子有穀詒厥孫子其顯之
謂歟

興化縣

阡利和字天益其先福之長溪人唐補闕令之之六世孫廷輝
爲百丈鎮將因家清源西里廷輝生巒登宋太平興國五年進
士時軍治在興化縣而郡人登第寔自巒始官至殿中丞利和
之孫也第寶元元年進士歷知春潮韶三州累遷屯田員外
郎熙甯二年王安石議權茶欲擢利和提舉廣東茶事利和作
可謝之曰一路生靈涉頓貧廟堂康濟豈無人君侯若問茶租
必請把茶租乞與民遂就常調通判廣州茶法卒不行後以中

散大夫致仕封河東縣伯卒年八十四累贈金紫光祿大夫子
五人皆由蔭補官縣倅字孝廣為太學生獨心非王氏新經因
躋二十餘年終不肯作新進士語金虜犯闕生徙解散倅正色
昌言曰諸君平時蒙被教育今舍此將安之耶從倅留者僅三
人建炎二年從高宗幸維揚以恩旨免舉擢第自大理司直遷
為丞以獄空被璽書褒諭出知興國軍終朝奉郎累贈光祿大
夫從曾孫璚字卓然該貫羣書文章雄偉如二鄭謂鄭厚并弟第紹
興十八年進士終永福主簿嘗著邊防十論及考古集珩字景
行少與弟璆力學相為師友既而聯鄉薦珩紹興十二年進士
歷廣東湖北路檢法官疑鼎州鞠盜華五等非辜與憲臺爭不
合欲投劾去未幾辰州果獲真盜憲臺驚服交薦之凡四為法

官平反全活者百餘人通判廣州知梅州以朝請大夫卒贈通議大夫璆字景徐乾道二年特科出身監廣州西南道場有鬻私鹽至六萬斤者吏捕以告法當得賞璆嘆曰刑數十人易一京官吾不忍為遂諭吏以十之一聞官餘悉投水中死者皆得

輕坐終南思州推官

雅州志等書

方次彭字公述階之族孫也父泳叔父洞俱以詩賦名天禧間創義齋於虎蹲岡以來四方學者泳再領鄉書贈朝議大夫洞三魁鄉貢嘉祐二年以三禮出身為諸王官大小學教授仁宗賜御札褒異次彭年十二喪父哀毀如成人悉以先疇付其兄乃率二弟次舉次夔刻苦力學皇祐元年兄弟三人同預鄉薦次彭登進士第調劍浦福清主簿遷合州叅軍每與州將論辦

疑獄雖屢見折而氣不可奪改知長樂縣縣濱江有渡舟人嗜利重載多覆溺者次彭始置官舟限以人數自是無患移知望江縣時有為盜所殺者尉捕其隣人鞠之獄且具次彭謂事起無情命釋之尉力爭不已旬日果獲真盜改著作佐即知海陵縣歲大饑次彭悉心賑貸所活甚衆權知惠州移梅州首興學校躬教導之梅人始知學登第者相繼秩滿士民乞留再任凡六年兩被褒詔元祐初上章告老賜五品服以朝請即致仕嘗賦詩曰自顧衰齡七十餘腰間方爾佩金魚行囊羞澁知何有床上兩封天子書卒年七十八贈中奉大夫次臯元豐二年特科次夔熙甯三年進士俱授知縣次彭子六人長晞道治平四年進士知晉江縣次原道次安道與從父公衮從祖師顏同登元

豐二年進士弟原道官至龍川令安道官至鎮潼軍節度掌書
記次辨道次醕道皆以父任辨道古田縣尉捕盜有聲醕道知
南劍州以清儉自恃季深道宣和六年進士知晉江縣孫十四
人辨道之子車編脩會要所檢閱官轉從政郎秘書省正字翼
登崇甯五年第歷宗學博士知漳州有美政漳人德之官終朝
奉即醕道之子晁紹興十二年特科潮州推官鄭夾漈稱其文
高於天下行高於鄉閭云煥紹興二十一年進士從政郎知縣
主管台州明道觀深道之子綰紹興十八年進士知海豐縣歷
官俸入悉以賙族黨之貧及女之不能嫁者嘗買婢得少所從
師之女育之如已出擇名族嫁之曾孫二十九人銓以淳熙二
年登第官至朝請大夫直寶謨閣大理少卿善詩文遷居於城

左之提茶坊

以提舉翼名後改坊為銓立也今曰方壺巷

玄孫六十七人擢第者

六人淙濯膺庇士舉果五世孫發六世孫雷作又相踵登科淙銓之子也嘉泰二年進士授鄱陽尉試秘書省校書郎歷知漳州遷廣東經略使官至朝奉大夫直煥章閣知泉州丐祠歸家有藏書閣淙子楷淳祐丙午鄉貢進士歷南劍州簽判官終朝奉郎尚書省架閣嘗捐貲重造尊賢里楊公橋家藏法書真蹟六百餘卷劉克莊為跋凡四十首

出方志

論曰傳不云乎與其有聚歛之臣甯有盜臣蓋深言治國平天下者不可聚歛以專利也神宗時王安石議權茶欲擢薛利和提舉廣東茶事而利和以詩謝不往且諷以茶利當歸之民此非知治平之道者能之乎書不云乎與其殺不辜甯

失不經此見聖人仁愛忠厚之至所謂好生之德也仁宗時望江縣民有為盜所殺者尉鞠其隣人獄且具方次彭力爭而釋之其後果獲真盜此非有好生之德者能之乎至若利和之孫倬從曾孫璨珩璆次彭之子辨道醅道孫翼星綰皆知名當世其他掇科登仕者尤夥歐陽文忠公所謂文行不失其世守者吾於二君子之後見之矣

姚宗之字元仲縣郭人也早歲以文學為鄉先生鄭厚所稱許第紹興二十七年進士授吉州司戶參軍諸司知其才交章論薦乾道五年擢國子學錄稍遷太常博士兼權吏部郎官請禁援例陳乞之弊惟一遵成法進將作少監輪對上言三事一論今日法令貴嚴而不貴寬制度貴質而不貴文任相貴遠業而